



## HEZKUNTZA SAILA

BARNE EBAZPENA, 2017ko apirilaren 25ekoa, Hezkuntza Saileko Hezkuntzako sailburuordearena, zeinaren bitartez, 2017-18 ikasturtean herri-ikastetxeek ULIBARRI programan sartzeko edo jarraitzeko bete behar dituzten baldintzak eta herri-ikastetxe bakoitzari dagozkion dedikazio-orduak esleitzeko irizpideak ezartzen baitira.

Abenduaren 23ko 323/2003 Dekretuak (abenduaren 31ko EHAA) Hizkuntza Normalkuntzako ULIBARRI programa arautzen du. Ondoko eragile hauek bat egiten dute ULIBARRI programan: Hezkuntza Administrazioak, ikastetxeek eta EAEko unibertsitateaz kanpoko ikastetxe publiko zein kontzertatuetako hizkuntza-normalkuntzako proiektuen garapenean diharduen eragileek.

Dekretu horren 5.2.a artikulua ezartzen du Hezkuntza, Unibertsitate eta Ikerketa Sailaren titularitatepeko herri-ikastetxeetan, sailak kontuan hartuko duela hizkuntza normalkuntzako arduradun teknikoak (HNAT) asteen zehar izango duen ordu-dedikazioa, eta gainontzeko jardueri eskaintzen dien lan-orduak eta ohiko ratioei gaineratuko zaizkiela ordu horiek.

Bestalde, Dekretuaren 12. artikulua lehen pasarteak dio programan sartzeko eskabideak baloratzeko irizpideak Hezkuntza, Unibertsitate eta Ikerketako sailburuaren agindu baten bidez ezarriko direla.

Hortaz, Ulibarri programaren barruan 2017-2018 ikasturtean arituko diren edo sarbide berria eskatu nahi duten herri ikastetxeentzako prozedura eta baloratzeko irizpideak ezarri behar dira barne-ebazpen bidez.

Horren guztiaren haritik

## EBAZTEN DUT

1. artikulua: Hezkuntza Sailak 3, 6 edo 9 orduko dedikazioa esleituko dio ULIBARRI programan ari den herri-ikastetxe bakoitzari, ondoren azalduko den baremoaren bidez.

2. artikulua: Izapidetze Elektronikoa

1) Herri ikastetxeek modu elektronikoa egingo dituzte eskabidea, kontsulta, eta eskabideari lotutako beste prozedura guztiak.

2) Prozedura elektronikoa honako legeriak araututa dago: Administrazio Elektronikoari buruzko 2012ko otsailaren 21eko 21/2012 Dekretuak eta Informatika eta Telekomunikazioko Zuzendariaren 2006ko otsailaren 9ko Erabakiak.

3) Izapide elektronikoei, eskabideei, erantzukizunpeko adierazpenei eta gainerakoei buruzko zehaztapenak egoitza elektronikoa hauetan daude:



- ikastetxe berriak:

<https://educacion.hezkuntza.eus/group/deialdiak/ulibbarri-berri-2017/>

- dagoeneko programan dauden ikastetxeak:

<https://educacion.hezkuntza.eus/group/deialdiak/ulibbarri-jarrai-2017/>

4) Eskabidea egin ondoreneko jarraibidea gune honen bitartez egingo da:  
<https://educacion.hezkuntza.eus/group/deialdiak/nire-eskabideak/>

3. artikulua: Eskabideak

1.- Ulibarri programan sartu edo jarraitu nahi duten ikastetxeek eskabidea egin behar dute, 2017ko apirilaren 28tik 2017ko maiatzaren 29ra arte. Azken hori izango da eskabideak aurkezteko azken eguna.

Eskabideak aurkezteak deialdi honetako oinarriak definitzen dituzten baldintzak espresuki eta formalki onartzen direla adierazten du.

2.- Ikastetxe berriak: 2017-2018 ikasturterako ULIBARRI programara bildu nahi duten herri-ikastetxeek jarraian aipatzen diren dokumentuak aurkeztu behar dituzte epe horretan, eskabidearekin batera, helbide honetan  
<https://educacion.hezkuntza.eus/group/deialdiak/ulibbarri-berri-2017/>  
:

a) Ikastetxearen hizkuntza normalkuntzako proiektua. Proiektua [www.ulibbarri.info](http://www.ulibbarri.info) gunean bete badu, bete izanaren aitortpena besterik ez du egingo.

b) Proiektuak ikastetxearen ordezkotza-organo gorenaren onespena duela adierazten duen ziurtagiria.

c) Hizkuntza normalkuntzako proiektua egin arte ikastetxeak egin duen ibilbidea zehazten duen oroitidazkia.

d) Proiektua burutzeko aholkularitza teknikoak izan duten ikastetxeek dagokien aholku-elkarteak sinatutako irizpen-txostena erantsi beharko dute. Aholkularitza hori gabe osatu diren proiektuak Hezkuntza Sailaren teknikariek aztertuko dituzte.

3.- Ulibarri Programan dauden ikastetxeak: 2017-2018 ikasturtean ULIBARRI programan jarraitu nahi duten ikastetxeek horretarako eskabidea egin beharko dute helbide honetan:  
<https://educacion.hezkuntza.eus/group/deialdiak/ulibbarri-jarrai-2017/>



#### 4. artikulua.– Eskabideetako akatsak zuzentzea

Deialdi honen babesean Ulibarrin sartzeko egindako eskabidea behar bezala beteta ez badago edo atxiki beharreko dokumentazioa falta dela ikusiz gero, interesdunari eskatuko zaio 10 egun baliodunen epean osatzeko edo beharrezkoak diren dokumentuak aurkezteko. Epe horretan zuzenketa egin ezean, eskaerari uko egin diola ulertuko da.

Akatsak zuzentzeko jakinarazpena Eusko Jaurlaritzaren egoitza elektronikoaren iragarki-taulan argitaratuko da, eta argitaratu eta biharamunetik hasita izango du eragina.

#### 5. artikulua: Eskatzaileek bete beharreko eskakizunak

Azaroaren 11ko, 1/1997 Legegintzako Dekretuaren aldaketak ezarritakoa betetzeko, ikastetxeak, eskabidean bertan doakion erantzukizunpeko adierazpenaren bitartez, ondoko hauek egiaztatuko ditu:

- Beste edozein administraziori zein erakunde publikori edo pribaturi helburu bererako eskatutako edo haiengandik jasotako laguntzen, sarrerren edo baliabideen berri eman duela.
- Halaber, eskabidean agertzen diren datuak eta gainontzeko dokumentazioa egiazkoak direla, eta deialdiak eskatzen dituen baldintzak betetzen dituela.

#### 6. artikulua.- Ulibarrin dauden ikastetxeek egin beharrekoak.

1.- Ulibarri programan dauden ikastetxeek, 2017ko irailaren 1etik 30era bitartean, 2017-2018 Ikasturteko Plana eskegi behar izango dute egoitza elektronikoko “nire kudeaketak” atalean: <https://educacion.hezkuntza.eus/group/deialdiak/nire-eskabideak/>

2.- Era berean, 2018ko apirilaren 9tik maiatzaren 8ra bitartean 2017-2018 ikasturteko bukaerako memoria eskegi behar izango dute egoitza elektronikoko “nire kudeaketak” atalean: <https://educacion.hezkuntza.eus/group/deialdiak/nire-eskabideak/>

3.- Orobat, 2017-18 ikasturtean, ikastetxe guztiek diagnosis eta hurrengo lau urteetarako proiektua egin behar dute. Proiektu berria aurkezteko epea 2018ko apirilaren 9tik maiatzaren 8ra bitartekoa izango da.

#### 7. artikulua: Sarbide berrietarako balorazio-irizpideak.

Abenduaren 23ko, 323/2003 Dekretuaren 12.1 artikuluan ezarritakoaren ildotik, aholku-emaileek irizpena eman beharko dute proiektu berrien gainean. Horren ondoren, Hezkuntza



Berriztatzeko zuzendariak izendatutako balioespen-batzordeak irizpen horiek aztertu eta bateratuko ditu eta dagokion taula helaraziko dio jarraipen-batzordeari.

Taula honek ondoko irizpideak erabiliz sailkatuko ditu izangaiak:

1.- Normalkuntza-proiektua bera. Gehienez 0,60 puntu.

a) Ikastetxearen errealitatera egokitutako proiektua da. Diagnostiko sakonean oinarritzen da. Eragin-esparru garrantzitsuenak hartu ditu aintzakotzat, eta erabakiak hartzeko jarraitu den prozedurak adostasun nahikoa bermatzen du (0,60).

b) Ez da bete-betean ikastetxearen errealitatera egokitzen. Diagnostikoa ez da hain sakona. Eragin-esparru gehienak aintzakotzat hartzen baditu ere, gabeziak antzematen dira, eta erabakiak hartzeko jarraitu den prozedurak adostasun-arazoak ekar ditzake epe luzera (0,40).

c) Aurkeztutako proiektuak zuzendu beharreko gabezia larriak ditu. Ez da ikastetxearen errealitatera egokitzen. Diagnostikoa eskasa da, eta elaborazioak berak hutsune nabarmenak ditu (0,20).

2.- Proiektuaren garapenaren egoera. Gehienez 0,3 puntu.

a) Diagnostikoa burutu eta proiektua elaboratzeaz eta adosteaz gain, urteko normalkuntza-plana ezarria du ikastetxeak dagoeneko. Normalkuntza-batzordea eta teknikaria izendatu dituzte eta euren funtzioak erabat eragingarriak dira. Diseinatutako jarduera normaltasunez ari da gauzatzen (0,30).

b) Diagnostikoa egiteko fasea, proiektua elaboratzekoa eta adostasunak biltzekoa egoki burutu baditu ere ikastetxeak, proiektuaren ezarpena hasierako fasean dago. Plana garapenerako abiapuntuan dago (0,20).

c) Diagnostikoa egiteko fasea, proiektua elaboratzekoa eta adostasunak biltzekoa burutu baditu ere ikastetxeak, fase hau ezin dugu amaitutzat eman; dokumentu horiei osatu, berrikusi eta konpondu beharra sumatzen zaie oraindik (0,10).

3.- Proiektuak eraginpean dituen ikasleak. Gehienez 0,10 puntu.

Horretarako, ikastetxearen gela-kopurua 0,001 zenbakiaz biderkatuko da. 100 gela edo gehiago dituzten ikastetxeak gehienezko puntuazioarekin sailkatuko dira hortaz.

4.- Aurreko hiru irizpideetan izandako puntuazioaren batura, gutxienez 0,41 puntukoa izan beharko dute Ikastetxeek, ULIBARRI programan onartuak izateko.

5.- Puntuazioan bat datozen ikastetxeen kasuan, ikasle-kopuruak finduko du hirugarren balorazio irizpidea. Laugarren dezimal moduan ezarriko da hori, ikastetxeen



hurrenkera txikienetik handienera. Gela- eta ikasle-kopurua Sailaren estatistika ofizialean erabaki-proposamena egiteko garaian dauden azken matrikula-datuetan oinarrituko da.

Balioespen-batzordeak igorritako datuetan oinarrituz, dagokion puntuazioa esleituko dio jarraipen-batzordeak eskabide bakoitzari eta, lortutako puntuazioaren arabera eta beheranzko hurrenkeran, izangaien zerrendak osatu eta onarpen-proposamenak egingo ditu. Honetarako desberdindu egingo dira publikoak diren eta ez diren ikastetxeak.

Aurrekontuak jarritako bitartekoak kontuan izanik, abenduaren 23ko 323/2003 Dekretuaren arabera Hezkuntzako sailburuordeak ebatziko ditu eskabideak.

8. artikulua: dedikazio-orduak finkatzeko baremazioa

323/2003 Dekretuaren V. eta VI. kapituluetan ezarritakoaren arabera, ikastetxe bakoitzari dagokion ordu dedikazioa finkatuko da. Horretarako bi izaera desberdin aztertuko dira:

- Dagoeneko ULIBARRI programan dauden ikastetxeak.

- Agindu honetara bilduz, ULIBARRIn sartzen diren ikastetxeak.

Programan dauden ikastetxeen kasuan, ordu-esleipenerako, ondoko lau irizpide eta zehazten diren ponderazioak hartuko dira kontuan:

- Gela-kopurua. Tramoak: 1-9 = 10p., 10-19 = 20p., 20 edo gehiago = 30 p.
- Etapa-kopurua. Tramoak: 1 = 5p., 2 = 10p., 3 = 15p., 4 = 20 p.
- Gune soziolinguistikoa. Tramoak: 1 = 10p., 2 = 8p., 3 = 6p., 4 = 4p., 5 = 2p.
- Presentzia/erabilera, alde erlatiboa (BRANKA). 40 punturen gainean, tramoak: 1 = 0, 2 = 11, 3 = 21, 4 = 31.  
Tramoaren balioa (0,11,21, edo 31) + (Euskararen agerpena eta ezagutza / 10)

Eta lortutako puntuazioaren arabera egingo da ordu-esleipena:

- 3 ordu-liberazio 0-29,99 puntu duten ikastetxeentzat
- 6 ordu-liberazio 30-59,99 puntu duten ikastetxeentzat
- 9 ordu-liberazio 60-100 puntu duten ikastetxeentzat

Barne-ebazpen honetara bilduz, dagokion ebazpenaren bidez, Ulibarrin sartzen diren ikastetxeei, ikastetxearen neurrian oinarritutako ordu dedikazioa esleituko zaie. Horretarako ondoko tramoak erabiliko dira:

- 3 ordu-liberazio 1-8 gela arteko ikastetxeentzat
- 6 ordu-liberazio 9-19 gela arteko ikastetxeentzat
- 9 ordu-liberazio 20 gelatik gorako ikastetxeentzat



8. artikulua: 323/2003 Dekretuaren lehen xedapen gehigarrian Hezkuntzako sailburuari datak egokitzeko ematen zaion ahalmena erabiliz, barne-ebazpen honi dagokion ebazpena sei hilabeteko epean jakinaraziko da, barne-ebazpena jakinarazten denetik.

Aipaturiko epean ebazpen espresurik ematen ez bada, eskabidea ez dela aintzakotzat hartu ulertuko da.

#### AZKEN XEDAPENETATIK LEHENENGOA

Agindu honen aurka, herri ikastetxeek erreklamazio gutuna igor dezakete Hezkuntzako sailburuordearengana, jakinarazten den egunaren biharamunetik hasi eta hilabeteko epean.

Gasteizen, 2017ko apirilaren 25ean.

Hezkuntzako sailburuordea,  
**Miren Maite Alonso Arana**

**EUSKO JAURLARITZA**



**GOBIERNO VASCO**

HEZKUNTZA SAILA

DEPARTAMENTO DE EDUCACIÓN